

vnd also obin vormeldet vnd vsgedruckt ist. Des zcu eynem steten gedechnis vnd sicherheit habe ich obgnanter Hans Kodericzsch myn insigel vndene an disen brieff gehangen, der gegeben ist noch gots gebort tusent vierhundert vnd ym newn vnd sechtzigsten iaren am montag noch des heiligen leichnams tag.

Nach dem Orig. im Rathsarchiv zu Dresden mit dem beschädigten Siegel an einem Pergamentstreifen.

Auf der Rückseite der Urk. steht von einer Hand des 16. Jahrh. geschrieben: Anno 69 ist diser getreide zins, so zuorn gegen Meissen gegeben worden, yn wechslung des dorfs Ostra dem rat wider geeygent vnd dem hospital s. Bartolomaei vbergeben, als 4 scheffel 1½ viertel korn; diese zeit besizer her Niclas Freundt.

No. 342. 1469. 6. Juni.

Der Rath trifft Anordnungen in Betreff des Salzmarktes.

Anno domini 1c. LX nono am dinstag nach Corporis Christi ist gemacht vnd beslossen durch den rat, das man vff den montag nicht ehir denne wenne der seyger zwelffe slet die salczwayne vffslahin vnd salcz messen sal, vnd wenne der seiger zwelffe hat geslagen, so sal vnd magk ein iczlicher, der salcz vffem marckte hat, abeschotten vnd messen vnd keyner noch dem andern harren.

Eyn iczlicher, er sey in der stat adder vssen gesessen, der an sanctt Johannes tag des touffers eynen follen wayn mit salcze vff dem marckte vffslet vnd feyl hat, der sal en vorrechten; wer aber neygen salcz vff denselben tag vff waynen feyl hette, der darff ir nicht vorrechten, so ferne die wayne vorhin vorrecht sind.

Nach einer Abschrift in dem ältern Privilegienbuche fol. 1 im Rathsarchiv zu Dresden.

No. 343. 1469. 24. Nov.

Anno domini 1c. LXIX^{to} am fritag noch Clementis hat der rat alden Gabriel eyn panczer abegekouft, das er sie stehelend geweret hat. So hat die stat vormals LIX panczer, das sie nu LX panczer haben.

Nach einer Abschrift in dem ältern Privilegienbuche fol. 1 im Rathsarchiv zu Dresden.

No. 344. 1470. 5. Jan.

Kurf. Ernst und Herz. Albrecht ertheilen der Stadt Dresden eine neue Rathsordnung.

Von gots gnaden wir Ernst des heiligen Romischen reichs ertzmarschalck kurfurste vnnde Albrecht gebrueder hertzogen zcu Sachssen, lantgraffen in Doringen vnnde marcgrauen zcu Missen bekennen mit dissem vnserm offenn brife vnnde tun kunt allermenniglichen. Nochdem in vnser stat Dreßden widerwertikeit, irrunge vnnde spenne vnder den burgern vnnde innwonern doselbst der regirunge vnnde schickunge halben deß rats vnnde ander ampte fur etzlicher zeit vffirstanden, sich irhaben vnnde von tage zcu tage schedelich gewachsen vnnde gemeret sein, doruß, wo dem in zciten nicht vorgedacht wurde, vnser stat in vnuorwintlichen schaden fallen mochte, deß haben